

Gojri News Bulletin 29 June 2025 at 1700 Hrs

ایوبنگ گو جری نیوز بلیٹن مورخہ 29 جون 2025

یوہ آکاشوانی جموں ہے باغ علی طاہرے طارق ابرار تیں خبر سٹو۔ پہلاں خاص خاص خبر۔

*1۔ وزیر اعظم نریندر مو دی نے کہیو ہے جے بھارت صحت تیں سماجی تحفظ توڑی ہر شعبہ مانہ آگے بدھ رہیو ہے، تے اس نال سماجی انصاف غی اک عظیم تصویر اُبھر غے باندے آئی ہے۔

*2۔ آکاشوانی ور اپنا من کی بات پروگرام غے دوران وزیر اعظم نے کہیو ہے عالمی صحت تنظیم ڈبلیو ایچ او غی سوچہ بھارت ابھیان تے جل جیون مشن جیسی اسکیمیں غی کامیاب عمل آوری سنگ بھارت نانہ ہُن انکھاں غی بیماری ٹراکومہ تیں نجات حاصل ہو سکی ہے۔

*3۔ لیفٹنٹ گورنر منوج سنہا نے پاکستانی حمایت یافتہ دہشت گرداں غا بکھ بکھ حملوں مانہ ہلاک ہون آلا کشمیری سماج غا افراد غا خانداناں سنگ ملاقات کی ہے۔

*4۔ ٹرانسپورٹ محکمہ غا وزیر ستیش شرما نے بھگوتی نگر بنیا دی کیمپ غو دورو لاغے امرناتھ یا تریاں نانہ دستیاب بکھ بکھ سہولتاں غو معائنو کیو ہے۔

*4 تے دریا ئے چناب مانہ پانی غی سطح مانہ ہوا بابدا تیں بعد سلال ڈیم غا بکھ بکھ دروازاں نانہ کھولیو گیو ہے۔

خبراں غی تفصیل نال پہلاں باغ علی طاہر۔

PM MKB

وزیر اعظم نریندر مو دی نے کہیو ہے جے صحت تے سماجی تحفظ غا معاملوں مانہ مُلک آگے بدھ رہیو ہے۔ جس نال ہر شعبہ مانہ تسلی غو اک احساس پیدہ ہوو ہے۔ جہیڑو سماجی انصاف غی وی اک عظیم تصویر غو منظر پیش کر رہیو ہے۔ آکاشوانی ور ”من کی بات“ پروگرام مانہ اپنا خیالات سانجا کرتاں واں جناب مودی نے بین القوامی لیبر تنظیم آئی ایل او غی رپورٹ غو حوالو دیتاں واں کہیو ہے اس ویلے مُلک غی زیادہ تر آبادی کسے نہ کسے طرح سماجی تحفظ غو فائدو حاصل کر رہی ہے۔ وزیر اعظم غو

کہنو تھو جے ان کامیابیاں غی وجہ نال یوہ اعتماد پیدہ ہوؤ ہے جے آئندہ آن آلو وقت اس تون وی زیادہ بہتر ہو سکے، تے اس راہ بھارت ہر بدھتا قدم سنگ ہو ر مضبوطی سنگ آگے بدھے گو۔ وزیر اعظم نے کہیو۔ بائٹ۔ وزیر اعظم نے عالمی صحت تنظیم ڈبلیو ایچ او گو ذکر کرتاں واں بھارت غا ٹراکومہ یعنی انکھاں غا انفکشن غی بیماری تیں آزاد ہون غو وی اعلان کیو۔ اُن غو کہنو تھو جے اس بیماری غا خاتمہ مانہ سوچہ بھارت ابھیان تے جل جیون مشن جیسا اقدامات غو وی خاصو کردار ہے۔ وزیر اعظم نے کہیو۔ بائٹ۔ ایمر جنسی بارے گل کرتاں واں وزیر اعظم نے کہیو جے کُجھ ہی روز پہلاں مُلک مانہ ایمر جنسی غا نفاذ غا واقع نانہ 50 بہرا مکمل ہوا ایں۔ تے مُلک مانہ اس موقع نانہ سمویدھان ہتیا دیوس غا طور ور مانیو گیو۔ اُن غو کہنو تھو جے ایمر جنسی لاگو کرن غا ذمے داراں نے نہ چھڑو آئین غو قتل کیو تھو بلکہ اُنہاں نے عدالتی نظام نانہ اپنو غلام بنان غو ارادو ظاہر کیو تھو۔ اس بارے گل کرتاں واں وزیر اعظم نے کہیو۔ بائٹ۔ مذہبی سیاحت بارے گل کرتاں واں وزیر اعظم نے کیلاش مانسرور یا ترہ، امرناٹھ یا ترہ تے جگناٹھ رتھ یا ترہ غو ذکر کیو۔ اُن غو کہنو تھو جت شمال تیں جنوب تے مشرق تیں مغرب توڑی یہ یا ترا ”ایک بھارت شریٹھ بھارت“ غو نمونو پیش کریں۔ اس بارے گل کرتاں واں اُنہاں نے کہیو۔ بائٹ۔

LG Kashmiri Civilians

لیفٹنٹ گورنر منوج سنہا نے آج کشمیری سماج غا اُن افراد سنگ ملاقات کی ہے جن غا خانداناں غا لوگ بکھ بکھ موقعان ور پاکستانی حمایت یا فتنہ دہشت گردان غی طرفوں ہلاک کیا گیا۔ ان ستم زدہ خانداناں سنگ خطاب کرتاں واں جناب سنہا غو کہنو تھو جے کئی دہائیاں تیں اُن نانہ حاشیہ ور رکھیو گیو ہے تے اُن غی آواز آن سنی رہی ہے۔ اُن غو کہنو تھو۔ بائٹ۔ دہشت گردی تیں متاثرہ خانداناں غا افراد نانہ مخاطب کرتاں واں لیفٹنٹ گورنر نے کہیو جے جھپڑا افراد سرکاری نوکری غا حقدار ہیں وے اپنا اپنا معاملہ متعلقہ ڈپٹی کمشنراں نانہ پیش کریں۔ لیفٹنٹ گورنر نے سماج غا اہل افراد نانہ اک مہینہ غے اندر اندر تیزی سنگ اُن غی تعیناتیاں نالے اپنو کاروبار شروع کیا جان غی خاطر مالی امداد اور تکنیکی تعاون غو پھروسو دوايو۔

مزید خبراں نال طارق ابرار۔ ور اُس تیں پہلاں یوہ پیغام۔ (یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان ور وی دستیاب (ہیں، اس تیں یہ خبر مہاری موبائل ایپ تے ڈی ٹی ایچ ور وی دستیاب ہیں)

Rajouri Advisory

موجودہ برسات کا موسم غے دوران ضلع راجو ری کا کوٹلی بگلا تے دھر ساکری گرائیاں مانہہ معدہ مانہہ تکلیف غی شکایتغے پیش نظر عام لوکاں نانہہ برسات کا موسم غے دوران پین غا صاف پانی کا استعمال غو مشورو دتو گیو ہے۔ احتیاطی تدابیر اپنان غو مشورو دتو گیو ہے جس مانہہ صرف نلکا غا پانی غو استعمال یقینی بنانو شامل ہے۔ جیکر پانی مقامی چشماں تے دوجا گھلا ذریعہاں تیں استعمال کرنو وے تاں پانی نانہہ کھٹوں کھٹ 5 منٹ اُبال لینو چاہیے۔ ایگزکیٹو انجینئرز جل شکتی ڈویژن راجو ری ، نو شہرہ نانہہ ہدایت دتی گئی ہیں جے وے تمام آبی ذخائر مثال غے طور وں سمپ ٹینکاں، چشماں تے با ولیاں غی کلوری نیشن یقینی بنائیں۔

Satish SANJY Arrangement

ٹرانسپورٹ محکمہ کا وزیر ستیش شرما نے آج جموں کا بنیا دی کیمپ بھگوتی نگر غو دورو لاغے امرناتھ یا تریاں با رے تیاریاں غو جائزو لیو۔ اپنا دورہ غے دوران وزیر موصوف نے بھگوتی نگر بنیا دی کیمپ مانہہ امرناتھ یا تریاں نانہہ دستیاب کی جان آلی تمام سہولتاں غو معائنو کیو جن مانہہ حفاظتی انتظامات تیں علا وہ بجلی تے پانی سپلائی اور ٹھہرن غی سہولت وغیرہ شامل ہیں۔ انہاں نے یا تریاں کا قیام با رے مختص 4 رہائشی حالاں غو معائنو کیو۔ جناب شرما نے کیمپ مانہہ پین غا صاف پانی، آئر کنڈیشنرز تے پکھاں غی دستیابی وغیرہ غو معائنو وی کیو۔ انہاں نے لنگر حال کا معائنہ غے دوران کانپور تیں آیا لنگر سٹاف غی بے لوٹ خدمات مہیا کران وں ان غی تعریف وی کی۔

Ramban SANJY SSP

امرناتھ یا ترا نانہہ محفوظ تے پریشانی تیں بغیر چلان نانہہ یقینی بنان واسطے ضلع رام بن مانہہ سخت حفاظتی انتظامات کیا گیا ہیں۔ واضع رہ جے امرناتھ یا ترا نانہہ 2 جولائی نانہہ جموں تیں ہری جھنڈی دس غے روانہ کیو جائے گو۔ ایس ایس پی رام بن کلیر سنگھ غے مطابق مرکزی مسلح افواج بشمول سی آر پی ایف، بی ایس ایف، سی آئی ایس ایف، آئی ٹی بی پی اہلکاراں غے نال نال جموں کشمیر پولیس تے جے کے اے پی کا اہلکاراں نانہہ قومی شاہراہ این ایچ 44 وں نا شری تیں بانہال توڑی امرناتھ یا تریاں غی گڈیاں نانہہ حفاظت فراہم کرن واسطے تعینات کیو گیو ہے۔ ایس ایس پی نے دسیو ہے جے امرناتھ یا تریاں یاہ سیلانیان نانہہ لے جان آلی کسے وی گڈی نانہہ دوپہر 2 بجائیں بعد چندر

کوٹ تیں آگے اور 3 بجا تیں بعد بانہال تیں آگے جان غی اجازت نہیں وے گی۔ اُنہاں نے گل کرتاں واں اس طرح کہیو۔۔ بائٹ۔۔

Reasi Salal Dam

خطہ مانہہ لگاتار با رشاں غی وجہ نال چناب دریا مانہہ پانی غی سطح مانہہ لگاتار باہدہ غے پیش نظر سالال ڈیم غا بکھ بکھ دروازاں نانہہ کھول دتو گیو ہے تانجے اضافی پانی نانہہ محفوظ طریقہ سنگ کڈھیو جا سکے۔ اور ڈیم غی بناوٹی حفاظت نانہہ یقینی بنایو جا سکے۔ ضلع انتظامیہ نے اک ایڈوائزری جاری کرتاں واں عام لوکاں خاص طور ور دریا غے کول اور دور غا ملحقہ علاقان مانہہ رہن آلاں تیں اپیل کی ہے جے پانی غا بہاؤ غا اس دور مانہہ کسے وی ناخوشگوار واقعہ تیں بچن واسطے دریا غے کول نہ جائیں اور احتیاطی تدابیر اپنا ئیں۔ ضلع انتظامیہ نے تمام متعلقہ محکماں تے ڈیزاسٹر ریسپانس ٹیمان نانہہ متحرک رکھیو ہے۔

Martyrs Cricket

ضلع پولیس ڈوڈہ غی طرفوں سیول ایکشن پروگرام 2024-25 غے تحت منعقدہ شہید ا یادگار کرکٹ ٹورنامنٹ آج کامیابی سنگ گو رنمنٹ ہائی اسکول گھٹ مانہہ اختتام پزیر ہو گئی۔ ٹورنامنٹ غو مقصد شہدا نانہہ خراج عقیدت پیش کرنو رتے نوجوانان نانہہ کھیڈاں غے ذریعے منشیات تیں دور رکھنو تھو۔ یاہ ٹورنامنٹ 20 جون نانہہ شروع ہوئی تھی۔ جس مانہہ ضلع ڈوڈہ غی 32 ٹیمان نے حصو لیو۔ ٹورنامنٹ غو خطاب شائنگ کرکٹ کلب ڈوڈہ نے جتیو۔ ٹورنامنٹ نانہہ مقامی لوکاں نے جوش و جذبہ سنگ دیکھیو تے تعاون دتو۔ ایس ایس پی ڈوڈہ سندپ مہتا نے اختتامی تقریب مانہہ مہمان خصوصی غا طور ور شرکت کی اور کھلاڑیاں غی صلاحیتاں غی تعریف کی۔

اس غے نال ہی خبراں غو یوہ بلیٹن ختم ہوؤ۔